

## Skèrio močiotès švèisem atminè mou

Močioti mona, maldelèm gīva.  
Už mona mameli, už mona tetèli  
Ir už moni meldēs, ka duora išaugčiuo  
Ir vèsus mīliečiuo, kas žemeliè gīvs īr.

Atlēsk, brongiuoji mona sengalveli,  
Ton dèdèli grieka, kad malduo savuojuo  
Tèik metu tīliejau ir malduo nabminiejau,  
Omžèna atilsi Barbuoras varda visā ožmèršau.

Ši naktis bova mon kap gīva ruona:  
Regiejau sapnie sava numīlieta,  
Palèkusè senā, senā šeta svieta.  
Tu moni, močiotè, tāp skaudè barè.

Atlēsk, geruojai, paskèrso Tau gèismè,  
Atlēsk, geruojai, paskèrso Tau rauda.  
Ana būs tīra, ana būs graudi,  
Ir vedvi abèdvi gieduosma, gieduosma.